



Broj: 02/6-04-018389-11-1-6/23

Datum: 19.12.2023. godine

Na osnovu člana 70. stav 1) i člana 68. stav (4) tačka i) Zakona o javnim nabavkama („Sl. glasnik BiH“, br. 39/14 i 59/22), a u vezi Rješenja Ureda za razmatranje žalbi broj: JN2-01-07-1-2929-8/23 od 06.12.2023. godine, zaprimljenog dana 19.12.2023. godine Sekretar Ureda za zajedničke poslove kantonalnih organa, donosi:

ODLUKU o izboru najpovoljnijeg ponuđača

Član 1.

Prihvata se preporuka Komisije iz Zapisnika o ocjeni ponuda broj: 02/6-04-018389-11-2/23 od 19.12.2023. godine u postupku javne nabavke i isporuke goriva i razne auto kozmetike i okvirni sporazum za LOT 1 – Tuzla i Čelić će se zaključiti sa ponuđačem „HIFA-PETROL“ **D.O.O. SARAJEVO**, ponuda broj: JN-3295/23 od 13.09.2023. godine po ponudenoj ukupnoj cijeni u iznosu od **668.751,39 KM** (bez PDV-a), uz popust od **5,40%** ili **36.112,58 KM**, odnosno ukupna cijena sa popustom bez PDV-a **632.638,81 KM** sa rokom plaćanja u roku od **60 dana**.

Član 2.

Ponuda ponuđača „PETROL BH OIL COMPANY“ d.o.o. Sarajevo se odbacuje u skladu sa članom 68. stav (4) tačka i) Zakona o javnim nabavkama jer nije potpuna i ne ispunjava zahtjeve iz tenderske dokumentacije.

Član 3.

Okvirni sporazum će se dostaviti na potpis izabranom ponuđaču po proteku roka od 15 dana, računajući od dana od kada svi ponuđači budu obaviješteni o izboru. Okvirni sporazum se zaključuje na period od 24 mjeseca.

Član 4.

Ovom odlukom stavlja se van snage Odluka o izboru najpovoljnijeg ponuđača broj: 02/6-04-018389-11-1-1/23 od 05.10.2023. godine.

Član 5.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke broj: 02/06-04-018389/23 od 14.08.2023. godine.

Javna nabavka je provedena putem otvorenog postupka. Izbor ponuđača izvršen je na osnovu kriterija ekonomski najpovoljnija ponuda.

Procijenjena vrijednost javne nabavke za LOT 1 iznosila je 633.283,00 KM bez PDV-a. Obavještenje o nabavci broj: 1116-1-1-38-3-50/23 objavljeno je 17.08.2023 godine.

Komisija za provođenje postupaka zajedničkih javnih nabavki imenovana Rješenjem o imenovanju Komisije broj: 02/06-30-015631/23 od 11.05.2023. godine izvršila je otvaranje ponuda dana 02.10.2023. godine. Nakon izvršenog vrednovanja, Komisija je ugovornom organu dostavila dana 05.10.2023. godine Zapisnik o ocjeni ponuda broj: 02/6-04-018389-11-1/23 od 04.10.2023. godine, koju preporuku iz navedenog Zapisnika je ugovorni organ prihvatio i donio Odluku o izboru najpovoljnijeg ponuđača broj: 02/6-04-018389-11-1-1/23 od 05.10.2023. godine. Na navedenu Odluku je izjavljena žalba koju je Ured za razmatranje žalbi Sarajevo usvojio i poništio prethodno navedenu Odluku svojim Rješenjem broj JN2-01-07-1-2929-8/23 od 06.12.2023. godine.

Po prijemu Rješenja kod ugovornog organa, Komisija je nastavila sa radom i u postupku utvrđivanja svih činjenica vezano za donošenje ispravne odluke, a uvažavajući navedeno Rješenje Ureda za razmatranje žalbi. Tom prilikom je konstatovano da je, kako je to navedeno i u Zapisniku o ocjeni ponuda, Komisija blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije);
- da su blagovremeno zaprimljene 2 (dvije) ponude;
- da nema neblagovremeno zaprimljenih ponuda;
- da je ponuda ponuđača „HIFA- PETROL“ D.O.O. SARAJEVO broj: JN-3295/23 od 13.09.2023. godine kvalifikovana jer ista ispunjava propisane uslove iz tenderske dokumentacije, dok je ponudu ponuđača „PETROL BH OIL COMPANY“ D.O.O. SARAJEVO broj: 94/23 od 29.09.2023. godine ocijenila nepravilnom, jer ne ispunjava uslove propisane tenderskom dokumentacijom.

Razmatrajući Rješenje URŽ-a Komisija je ustanovila da je ponuđač „PETROL BH OIL COMPANY“ D.O.O. SARAJEVO dostavio u svojoj ponudi original Garanciju za ozbiljnost ponude broj: 38218 izdatu od strane Sparkasse Bank dd Sarajevo koja je upakovana u plastičnu foliju koja je na vrhu na sredini zatvorena okruglom naljepnicom zlatne boje, na kojoj nije utisnut pečat ponuđača i kao takva je uvezana jamstvenikom u ponudu.

Komisija je ponovnim uvidom u član 27.5 tenderske dokumentacije koji je propisao način dostavljanja garancije za ozbiljnost ponude, odnosno član 3. stavovi (1), (2) i (3) Pravilnika o formi garancije za ozbiljnost ponude i izvršenje ugovora („Sl. glasnik BiH“ broj: 90/14) konstatovala da priložena garancija nije u dovoljnoj mjeri obezbijedena i da se na taj način garancija može nesmetano vaditi/umetati što nije u skladu sa tenderskom dokumentacijom. Dakle, navedena garancija nije dodatno obezbijedena naljepnicom koja treba da sadrži pečat kojim će se obuhvatiti na vrhu plastične folije mjesto zatvaranja iste naljepnicom, čime će se dodatno osigurati priložena garancija u ponudi. Dakle, navedenim načinom dostavljanja garancije uz ponudu nije postupljeno prema odrebi tenderske dokumentacije i Pravilnika.

Nakon što je Komisija ustanovila da jedino ponuda ponuđača „HIFA- PETROL“ D.O.O. SARAJEVO ispunjava sve uslove propisane tenderskom dokumentacijom u skladu sa postavljenim kriterijumom za ocjenu ponuda.

Kriterij za ocjenjivanje ponude je ekonomski najpovoljnija ponuda sa potkriterijumima koji se vrednuju za ponuđenu cijenu (95 bodova) koji je ponuđaču dodijeljen za cijenu ponude 632.638,81 KM i za rok plaćanja u broju dana za plaćanje (5 bodova) za rok isporuke 1 dan. Dakle, ponuđač je ostvario ukupno 100 bodova.

Komisija konstatuje da je ekonomski najpovoljnija ponuda ponuđača „HIFA- PETROL“ D.O.O. SARAJEVO ujedno ponuda u okviru procijenjenih sredstava kao jedino kvalifikovana i najpovoljnija ponuda ponuđača u skladu sa navedenim kriterijumom. Za ponudu ponuđača „PETROL BH OIL COMPANY“ D.O.O. SARAJEVO Komisija daje preporuku da se ista odbaci, jer ponuda nije potpuna i ne ispunjava zahtjeve iz tenderske dokumentacije i Pravilnika o formi garancije za ozbiljnost ponude i izvršenje ugovora.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Ugovorni organ će izvršiti dodjelu okvirnog sporazuma ponuđaču „HIFA-PETROL“ D.O.O. SARAJEVO ponuda broj: JN-3295/23 od 13.09.2023 godine u skladu sa kriterijem za dodjelu ugovora ekonomski najpovoljnije ponude, a ponuda ponuđača „PETROL BH OIL COMPANY“ D.O.O. SARAJEVO se odbacuje u skladu sa članom 68. stav (4) tačka i) jer nije potpuna i ne ispunjava zahtjeve iz tenderske dokumentacije, kao što je odlučeno u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



SEKRETAR

Zdenka Marijanović
Zdenka Marijanović, dipl. pravnik

Dostaviti:

- „HIFA- PETROL“ D.O.O. SARAJEVO
- „PETROL BH OIL COMPANY“ D.O.O. SARAJEVO i
- a/a